

Powšitkowne WOZJEWJENJA

njedźelu, 11. oktobra 2020

Ekumenisku Božu službu ze Smochćic wusyła sćelak MDR originalnje w telewiziji

Zwjazkowy prezident Frank-Walter Steinmeier wobdźěli so njedźelu, 11. oktobra, w 11 hodź. na ekumeniskej Božej službje w Smochčanskim kubłanišću swjateho Bena. Na njej přepodadźa najwyšemu mužej Němskeje žnjowu krónu. Mjez duchownymi, kotřiž Božu službu swjeća, budže farar Clemens Hrjehor z Budyšina. Hudźbne wobrubjenje změje Serbski ludowy ansambl. Sćelak MDR Božu službu originalnje w telewiziji přenjesje.

Seminar k přirotej na mandželstwo

Seminar k přirotej na sakrament mandželstwa wotměje so pjatk a sobotu, 27. a 28. nowembra, w Smochčanskim kubłanišću swjateho Bena. Přizjewjenja přijimuju so hač do njedźele, 8. nowembra, jeničce online na internetowej stronje Dekanatneho dušepastyrstwa. Link k wotpowědnemu formularje a k dalšim pokiwam je pod www.posol.de podaty.

W Smochćicach jeničce z přizjewjenjom kemši

Koronoweje pandemije dla je wotnětka wopyt njedźelných Božich mšow w Smochčanskim kubłanišću swjateho Bena jeničce z přizjewjenjom móžny. Štóž chce tam njedźelu kemši hić, měř so stajnje hač do pjatka do toho pod telefonowym čisłom (03 59 35) 2 20 abo z mailku na info@bg-schmochtitz.de z podaćom mjena, adresy a telefonoweho čisła přizjewić. Boža mša njedźelu, 18. oktobra, budže hižo w 10 hodź., nic kaž hewak w 10.30 hodź.

Pućowanje do Sakskeje Šwicy

Za cyłodnjowske pućowanje do Sakskeje Šwicy sobotu, 17. oktobra, su hišće někotre městna swobodne. Přeprošeni su zajimcy wot 16 lět. Woni zetkaja so rano we 8.30 hodź. we Łusću při haće. Po nawróće wječor ze zhromadnej wječerju, krótkofilmom a bjesadu tež we Łusću wuklinči. Swójski přinošk wučinja tři eura na cyły dzeń. Přizjewić móža so zajimcy pola Symana Pöpela z mailku na serbski-dundak@gmx.de.